



Inatsisartunut ilaasortaq Múte Bourup Egede, Inuit Ataqtigiit
/ MAANI

**Aalisarneq pillugu Ataatsimiititaliarsuaq aamma Royal Greenland A/S pillugit §
37 naapertorlugu apeqqummut 165-2019 akissut**

Dato: 16-04-2019
Sags nr.: 2019-9055
Akt. nr.: 10502053

Inatsisartut suleriaasianni § 37, imm. 1 naapertorlugu Aalisarneq pillugu
Ataatsimiititaliarsuup pilersinneqarnera aammalu Royal Greenland A/S pillugit
Naalakkersuisunut apeqquqeqarputit. Apeqquqtit uannit akineqarneqartussanngorlugit
innersuunneqarput.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

- 1. Naalakkersuisut Aalisarneq pillugu Ataatsimiisitaliarsuup
sulinissaanut tunngavissiamut aalajangiinermut
tunngavigineqartunik Inatsisartunut ilisimatitsissamaarpat?**

Akissut:

Naalakkersuisut Aalisarneq pillugu Ataatsimiititaliarsuup sulinissaanut tunngavissiap
assilinerata nassiunneratigit Aalisarneq pillugu Ataatsimiititaliarsuup pilersinneqarnera
pillugu Inatsisartut ataatsimiititaliaat suliamut attuumassuteqartut ilisimatippaat.

- 2. Naalakkersuisut isumaqarpat Aalisarneq pillugu
Ataatsimiisitaliarsuup sulineranut eqimattamik malinnaasumik
politikkerinit ilaasortaaffigineqartumik pilersitsinissami partiit
naalakkersuisooqataasut naalakkersuisooqatigiinnullu
tapersersuisut kisimik malinnaatinneqassasut?**

- A) Akissut aappiuppat, suna toqqammavigalugu taamatut
aalajangertoqarpa?**
- B) Akissut naamiuppat qanoq partiit peqataatinneqanngitsut
malinnaatinneqassappat?**

Akissut:

Partiit naalakkersuisooqataasuniit tamanit aallartitamik ataatsimik kiisalu partiip
tapersersuisup Demokraatit aallartitaanik ataatsimik peqataaffigineqartumik politikikkut
malinnaasussanik pilersitsisoqassaaq. Politikikkut malinnaasut politikkerinut qanimut
attaveqarnissaq qulakkiissavaat, tassungalu peqatigitillugu politikikkut partiinut allanut
Inatsisartunullu ilaasortanut ilisimatitsisassallutik.

- 3. Royal Greenland-ip namminersortunngorsarneqarnera pillugu
suliassaq ataatsimiititaliarsuup suliassaanit peerneqarpoq
suliassaqarfimmillu oqartussaasumut inissinneqarluni, tamanna
sumit tunngaveqarpa?**

A) Suliassaqarfimmut oqartussaasoq suliaq qanoq sularissallugu takorlooppaa? Aamma Inatsisartut tamatumunnga qaqagukkut qanorlu akuutinneqassappat?

Akissut:

Aalisarneq pillugu Ataatsimiititaliarsuup sulinissaanut tunngavissiaq naalackersuisooqatigiit partiilu naalackersuisooqatigiinnut tapersersuisoq siumut oqaloqatiginerat tunngavigalugu sularineqarpoq. Oqaloqatigiinnerni Royal Greenland A/S-ip namminersortunngortinneqarsinnaanera ilanngunneqarnikuuvoq.

Royal Greenland A/S-ip niuernermi atugassarititat naapertorlugit ingerlanneqarluni aammalu Kalaallit Nunaanni avataanilu inuussutissarsiummi ingerlatsisunut allanut unammillerluni aktieselskabiunera mianeralugu Naalackersuisut aalajangiipput suliffeqarfiup namminersortunngortinneqarsinnaaneranik paasiniaalluni suliaq Aalisarneq pillugu Ataatsimiititaliarsuup avataani ingerlanneqarpat naleqqunnerpaajusoq. Tamanna pissaaq suliap oqartussaqarfimmut suliassamik akisussaasumut inissinneqarneratigut. Suliassanik agguassineq atuuttoq malillugu tassaavoq Siulittaasup Naalackersuisoqarfia.

Royal Greenland A/S-ip namminersortunngortinneqarsinnaaneranik paasiniaalluni sulinerup aallartinneqarnera imatut nutaajutigimmat suliap qanoq ingerlanneqarnissaa pillugu aalajangerneqarnikuunngilaq, tassunga ilanngullugu Inatsisartut qaqugu qanorlu akuutinneqassanersut.

4. Naalackersuisut sooq Royal Greenland-i namminersortussanngortinniarlugu aalajangerpat?

A) Aalajangernermut paasissutissat toqqammaviusut suuppat, kikkunnillu sularineqarpat?


B) Naalackersuisut aalajangernermut paasissutissat tunngavigineqartut saqqummiukkusuppaat?

Akissut:

Royal Greenland A/S-ip namminersortunngortinneqarsinnaaneranik paasiniaanermut tunngatillugu Naalackersuisut qanoq aalajangiisimanersut aalajangiinermullu tunngaviusoq apeqqutinut 3-mut oqaaseqaatini ersippoq.

Apeqqummut allanik oqaaseqaatissaqanngilanga.

Inussiarnersumik inuulluaqqusillunga



Jens Immanuelson

Aalisarnermut, Piniarnermut Nunalerinermullu Naalackersuisoq

INUIT ATAQATIGIIT

Inatsisartuni



02. 04.2019

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

1. Naalackersuisut Aalisarneq pillugu Ataatsimiisitaliarsuup sulinissaanut tunngavissiamut aalajangiinnermut tunngavingineqartunik Inatsisartunut ilisimatsisinissamaarpat?
2. Naalackersuisut isumaqarpat Aalisarneq pillugu Ataatsimiisitaliarsuup sulineranut eqimattamik malinnaasumik politikerinit ilaasortaaffigineqartumik pilersitsinissami partiit naalackersuisooqataasut naalackersuisooqatigiinnullu tapersersuisut kisimik malinnaatinneqassasut?
 - A) Akissut aappiuppat, suna toqqammavigalugu taamatut aalajangertoqarpa?
 - B) Akissut naamiuppat qanoq partiit peqataatinneqanngitsut malinnaatinneqassappat?
3. Royal Greenland-ip namminersortunngorsarneqarnera pillugu suliassaq ataatsimiititaliarsuup suliassaanit peerneqarpoq suliassaqarfimmillu oqartussaasumut inissinneqarluni, tamanna sumit tunngaveqarpa?
 - A) Suliassaqarfimmut oqartussaasoq suliaq qanoq suliarissallugu takorloorpaa? Aamma Inatsisartut tamatumunnga qaqagukkut qanorlu akuutinneqassappat?
4. Naalackersuisut sooq Royal Greenland-i namminersortussanngortinniarlugu aalajangerpat?
 - A) Aalajangernermut paasissutissat toqqammaviusut suuppat, kikkunnillu suliarineqarpat?
 - B) Naalackersuisut aalajangernermut paasissutissat tunngavigineqartut saqqummiukkusuppaat?

(Inatsisartuni ilaasortaq Múte Bourup Egede , Inuit Ataqatigiit)

Tunngavilersuut:

Aalisarneq nunatsinni inuttut atukkatta aningaasarsiornittalu tunngavigaa, siammasissumillu politikikkut isumatusaartumik, periarfissiisumik tunngavigissaartumillu aqqutissiuussiffigisariaqarparput. Tamannalu tunngavigalugu aalisarneq pillugu sulinissami partiit akornanni siammasissumik isumaqatigiissusiorsinnaaneq qitiulluinnartoq aammaarlunga oqaatigisariaqarpara. Naalackersuisut ataatsiminiinnerani imaqarniluaq marsip arfineq

pingajuaneersoq naapertorlugu Aalisarneq pillugu Ataatsimisitaliarsuaq sulinissanut tunngavissat Naalakkersuisut aalajangiuppaat. Aajangiunneqartunullu tunngavilersuutit paaserusullugit matumuuna apeqquteqaateqarpuunga.

Kissaatigaara apeqqutit ullut qulit qaangiutsinnagit akineqarnissaat.